

十一面神呪心經

良

大唐高僧玄奘奉詔譯

如是我聞一時薄伽梵住室羅筏竹筍道場與大苾芻眾千二百五十人俱菩薩摩訶薩無量無數慈氏菩薩而為上首復有無量苾芻苾芻尼鄔波索迦鄔波斯迦及諸天龍藥

叉健達縛阿素洛揭路荼緊捺洛莫呼洛伽鳩畔荼畢舍遮人非人等大眾圍繞供養恭敬尊重讚歎而為說法尔時觀自在菩薩摩訶薩與無量俱肱那度多百千持呪神仙前後圍繞來詣佛所到已頂礼世尊雙足右繞三帀退坐一面向佛言世尊我有神呪心名

十一面具大威力十一俱肱諸佛所說我今說之為欲利益安樂一切有情除一切病故滅一切惡故為止一切不吉祥故為却一切惡夢想故為遮一切非時死故欲令諸惡心者得調淨故有憂苦者得安樂故有怨對者得和解故魔鬼障礙皆消滅故心所願求皆

稱遂故世尊我不見世間若天若魔若梵若沙門若婆羅門等以此神呪防護其身受持讀誦書寫流布而為一切災橫魔障刀杖毒藥厭禱呪術所能害者我亦不見以此神呪隨所住處若遠若近結作界已有能越之來相壅害唯除決定惡業應熟世尊彼當證知是事必尔唯應信受不應分別如此則令一切災橫皆悉遠離不得侵近此神呪心一切諸佛同所稱讚同所隨喜一切如來憶持守護世尊我憶過去過殞伽沙等劫前有佛出世名百蓮華眼無障礙頂熾盛功德光王如來應正等覺我於尔時作大仙人從彼世尊受得此呪得此呪時見十方佛應時證得無生法忍當知此呪具大威力是故若有淨信善男子善女人等欲受持讀誦此神呪者應當恭敬至心繫念每晨朝時如法清淨念誦此呪一百八遍若能如是現身獲得十種勝利何等為十一者身常無病二者恒為十方

諸佛攝受三者財寶衣食受用無盡四者能
伏怨敵而無所畏五者令諸尊貴恭敬先言
六者蠱毒鬼魅不能中傷七者一切刀杖所
不能害八者水不能溺九者火不能燒十者
終不橫死復得四種功德勝利一者臨命終
時得見諸佛二者終不墮諸惡趣三者不因

良上神咒

二

險厄而死四者得生極樂世界世尊我憶過
去過十殞伽沙等劫復過於此有佛出世名
美音香如來應正等覺介時我身作大居士
於彼佛所受得此呪得此呪時便於生死超
四萬劫誦持此呪復得諸佛大悲智藏一切
菩薩解脫法門由此截力能救一切牢獄繫

閉枷械枷鎖臨當刑戮水火風賊蠱毒厭禱
人非人等種種苦難由此我於一切有情能
作歸依救護安慰洲渚室宅以此呪力攝取
一切悖惡藥叉邏刹娑等先令發起慈心愍
心然後安立於阿耨多羅三藐三菩提世尊
我此神呪有大威力若誦一遍即能除滅四

根本罪及五無間令無有餘況能如說而修
行者若有曾於百千俱胝那庾多佛所種諸
善根乃於今時得聞此呪呪能受持如說行
者若能晝夜讀誦受持此神呪者我當令彼
所有願求悉得如意若有能於半月半月或
第十四日或第十五日受持齋戒如法清淨

繫心於我誦此神呪便於生死超四萬劫世
尊我由此呪名号尊貴難可得聞若有稱念
百千俱胝那庾多諸佛名号復有暫時於我
名号至心誦念彼二功德平等平等諸有稱
念我名号者一切皆得不退轉地離一切病
脫一切障一切怖畏及能滅除身語意惡况

良上神咒

能於我所說神呪受持讀誦如說修行當知
是人於無上菩提則為領受如在掌中介時
世尊讚觀自在菩薩言善哉善哉善男子汝
乃能於一切有情發起如是大慈悲意而欲
開示此大神呪善男子汝由此方便能救脫
一切有情所有病苦障難怖畏身語意惡乃

至安立一切有情於阿耨多羅三藐三菩提
善男子我亦隨喜受汝神呪汝當說之時觀
自在菩薩摩訶薩即從座起偏袒一肩右膝
着地曲躬合掌而白佛言誦此呪者說如是
言敬礼三寶敬礼聖智海遍照莊嚴王如來
敬礼一切如來應正等覺敬礼聖觀自在菩

薩摩訶薩大悲者

怛經他闍一達囉達囉二地囉 地囉三

杜嚕杜嚕四壹鉢下聲呼伐鉢五折鉢折鉢

六鉢囉折鉢鉢囉折鉢七俱素謎八俱蘇摩

伐囉九壹履弭履十止履止微十一里反社

反羅摩波奈耶十二反戌反輪律施薩埵三十莫

訶迦嚧尼上聲呼迦四下聲呼莎下皆同訶五

世尊此是根本神呪若有念誦獲如上說功

德勝利

敬礼三寶敬礼聖智海遍照莊嚴王如來敬

礼一切如來應正等覺敬礼聖觀自在菩薩

摩訶薩大悲者

怛經他呵呵呵一壹鉢弭鉢二止鉢婢鉢
三棄上聲呼鉢四下皆同鉢四莎訶五
世尊此是呪水及衣呪若欲入道場先當洗
浴後以此呪呪水七遍灑身結淨復以此呪
呪衣七遍然後取着
敬礼三寶敬礼聖智海遍照莊嚴王如來敬

礼一切如來應正等覺敬礼聖觀自在菩薩
摩訶薩大悲者

怛經他杜託古嚕挂嚕 呵呵呵三莎訶三

世尊此是呪香燈呪若入道場欲燒香供養

時先以此呪呪香七遍然後燒之欲然燈時

先以此呪呪油七遍後以然燈四

敬礼三寶敬礼聖智海遍照莊嚴王如來敬

礼一切如來應正等覺敬礼聖觀自在菩薩

摩訶薩大悲者

怛經他 死囉死囉一地囉地囉二 死囉

地囉三莎訶四

世尊此是呪花香鬘呪若入道場欲以花香

鬚供養時先以此呪呪花七遍用散尊像復以此呪呪香七遍以塗尊像復以此呪呪鬚七遍以嚴尊像

敬禮三寶敬禮聖智海遍照莊嚴王如來敬禮一切如來應正等覺敬禮聖觀自在菩薩摩訶薩大悲者

怛經他 娑睍娑睍 一死地死地 二素上聲呼下

同杜素杜 三莎訶 四

世尊此是呪獻佛供呪若欲以飲食花果等供養佛時先誦此呪呪之二十一遍然後獻奉敬禮三寶敬禮聖智海遍照莊嚴王如來敬禮一切如來應正等覺敬禮聖觀自在菩薩摩訶薩大悲者

怛經他 末死達死 一折囉折囉 二帝嚕帝嚕

嚕 三主嚕主嚕 四素上聲呼下 嚕素嚕 五母嚕

母嚕 六莎訶 七

世尊此是呪薪呪若欲以上根本神呪隨事有所作時先以此呪呪閣底華木一遍擬用

良十二面咒

五

然火復別取閣底華木寸截以為三十一段用酪酥蜜漬之經宿每取一段呪之一遍即擲火中乃至皆盡然後隨事所作應作敬禮三寶敬禮聖智海遍照莊嚴王如來敬禮一切如來應正等覺敬禮聖觀自在菩薩摩訶薩大悲者

怛經他 壹履弭履 一比履底丁里反皆同 履 二

止履 四履 三莎訶

世尊此是結界呪欲結界時先以此呪呪水七遍散灑四方或呪芥子或呪淨灰皆至七遍散四方面隨心遠近即成界畔而為防護敬禮三寶敬禮聖智海遍照莊嚴王如來敬禮一切如來應正等覺敬禮聖觀自在菩薩摩訶薩大悲者

怛經他 比脰比脰 一底脰底脰 二止脰止

脰 三費房匪反 脰 四揭車揭車 五薄伽

梵 六阿唎耶婆肥何 盧枳佉濕伐囉 七颯縛

婆縛去聲 南 八莎訶 九

良十二面咒

世尊此是請我還自宮呪若所作事竟請我
還自宮時應以此呪呪水七遍散灑四方我
便還去世尊如是神呪雖不成立而亦能作
種種事業至心念誦無不獲願若患瘡病或
一日一發或二日一發或三日一發或四日
一發若患鬼病或部多鬼所作或茶膏吐聲

尼所作或畢舍遮所作或羯吒呼聲布怛那
所作或癩鬼所作或癩鬼所作或餘種種惡
鬼所作皆以此呪呪彼患者一百八遍即得
除愈若障重者用五色縷誦呪作結一遍一
結凡一百八結以繫病人頸上或繫臂上罪
障消滅病即除愈若患丁腫癰腫癩瘡瘡

疽瘍癬等種種惡病若被刀箭牟稍等傷蛇
蠍蜈蚣毒蜂等螫皆以此呪呪之七遍即得
除愈若障重者呪黃土泥至一七遍用塗病
處所苦得除若患緩風偏風癱風耳聾鼻塞
癩風等病皆應至心念誦此呪呪彼患者一
百八遍病即除愈若障重者以油或酥煎六

皮及青木香每呪七遍即用塗身或適耳鼻
或令服之所患便愈若有所餘種種疾病皆
應至心以此呪呪之或自念誦即得除差世
尊若欲成立此神呪者應當先以堅好無隙
白栴檀香刻作觀自在菩薩像長一搽手半
左手執紅蓮華單持展右臂以掛數珠及作

施無畏手其像作十一面當前三面作慈悲
相左邊三面作瞋怒相右邊三面作白牙上
出相當後一面作暴惡大笑相頂上一面作
佛面像諸頭冠中皆作佛身其觀自在菩薩
身上瓔珞等種種莊嚴造此像已欲求願者
着新淨衣受持齋戒從白月一日至第八日

每日三時念誦此呪一百八遍或無量遍從
此以後於一靜處敷清淨座安置所造觀自
在菩薩像面向西方隨力所辦獻諸飲食唯
燒沉水及蘇合香行者當食大麥乳食如前
念誦至第十三日從此以後所設供具須倍
勝前行者唯應食三白食謂乳酪飯取菩提

樹木像前然火復取彼木寸截以為一千八
 段用都嚕色迦香油漬之每取一段誦呪一
 遍擲置火中乃至皆盡尔時大地岌然搖震
 由此像身亦即運動從窠上面口中出聲讚
 行者言善哉善哉善男子汝能如是勤苦求
 願我當令汝所願滿足令汝於此騰空而去

長十一面至

七

或復令汝所遊無礙或作持呪仙人中王或
 使如我自在無障復次行者或於白月第十
 五日以十一面觀自在菩薩像置有佛馱都
 制多中着新淨衣受持齋戒經一日一夜不
 飲不食取蘇末那花一千八枚每取一花呪
 之一遍擲置像上乃至皆盡尔時其像當前

一面口中出聲猶如雷吼由此便令大地震
 動行者尔時應自安心勿生恐怖但念神呪
 乞所期願作如是言敬礼聖觀自在菩薩摩
 訶薩大悲者我於何時能與一切有情作大
 依估能滿一切有情心之所願時觀自在便
 與其願當與願時諸天龍等無有能與作障

礙者復次行者於月蝕時取酥一兩銀器盛
 之置此像前念誦此呪乃至是月還生如故
 便取食之身中諸病無不除愈復次行者應
 等分取雄黃牛黃置此像前念誦此呪一千
 八遍以水和之點着眉間三事成就如前所
 說若和暖水洗浴其身則一切障礙一切惡
 夢一切疫疔皆得除愈復次若他方怨賊欲
 來侵境應取燕支一顆誦此呪呪之一百八
 遍莊點此像左邊瞋面正向彼方令怨賊軍
 不得前進復次若國土中人畜疫起於此像
 前然任婆木火復別取彼木寸截以為一千
 八段每取一段塗芥子油呪之一遍擲置火

中乃至皆盡復取緋縷作七呪結一呪一結
 繫置窠上佛面頂上能令疫疔一切消除疾
 疫除已解去呪索復次若有卒為茶毒上聲
 尼部多鬼等魅着成病應取白縷作二十一
 呪結一呪一結繫着當前慈悲面頂上經一
 宿已解取以繫病人頸上病即除愈若業障

重不除愈者應取此索更呪一百八遍繫前
所繫像頂上經一宿已解取以繫病人頤上
必得除愈復次若有長病困苦不差或惡神
鬼來入宅中應取薰陸香一百八顆在此像
前顆呪一遍擲置火中乃至皆盡復取白縷
作二十一呪結一呪一結繫置當前慈悲面

良法面至

頂上經一宿已解取以繫病者頸上所患除
愈惡鬼退散復次若為怨讎伺求其便鬪諍
厭禱欲作衰害應以種種香花等物供養此
像以婆鐮迦木像前然火取芸葦子一百八
顆各呪一遍擲置火中復取白縷結作一百
八結一呪一結繫着此像左邊瞋面頂上經
一宿已解取此索稱怨讎名截一一結各令
異處一稱一截乃至都盡令彼怨讎所作不
遂自然歸伏復次若人欲求諸善好事取五
色縷結作呪索一百八結一呪一結復於像
前呪之七遍繫置當前慈悲面頂上經一宿
已解取繫自己身上所求如意復次若知身中

有諸障難所求善事多不如此心衰禍時時無
因而至應以香水浴此像身復取此水呪之
一百八遍以浴毗那藥迦像身復取呪之一
百八遍自灑其身一切障難自然消滅諸有
所求無不如意介時觀自在菩薩摩訶薩說
此語已一切大衆同時讚言善哉善哉大士

乃能為欲利益安樂諸有情故說此神呪我
等隨喜亦願受持介時大衆歡喜踊躍遠佛
三而作禮而去

十一面神呪心經

延聖院比丘 清滿書

良